

COMUN: Incuntada dla junta y dl consëi de comun cun la popolaziun a Lungiarü en mercui, ai 20 de ma, dales 20.00, tl salf dles manifestaziuns.

Racoiüda dl refodam da tosser, en dedolönesc, ai 19 de ma, dales 10.00 - 11.00 a San Martin dan le magazin di stödafüch.

#### PLOANIES SAN MARTIN Y LUNGIARÜ

Ince n'atra ota sarál la poscibilité da ciáfé le Sacramënt dla Crejima tla Val Badia (la Domènia blanca, 4 de aurí 2027), por düc i jogn che á complí i 16 agn y á tut pert a dötes les 8 incuntades de preparaziun. Chèsta pèia ia cun na pröma incuntada ai 06 de jügn 2026 y vá inant da setëmbër cina merz 2027 te incuntades de 2 ores n iade al mëis. Düc i interessá (de döta la valada), jogn y jones cun sü geniturs (y evt. toc/totes), é dër bel inviá a na sèra de informaziun en vëndres, ai 22 de ma, dales 19.30, tl Istitut Ladin a S. Martin.

L'Unité pastorala Val Badia inviëia a n iade a Assisi cun Christian Ferdigg por ca. 20 porsones dai 03 ai 6 de messé 2026. Le prisc a porsona te na ciamena dopla é de 470 euro. Tl prisc é le iade cun le bus dala Val Badia demez cina a Assisi y indo a ciasa, trèi nöts tl hotel Belvedere cun gosté y 3 cènes tl restaurant La Rocca. I vijitarun i posc plü bi y simbolic dla spiritualité francescana d'Assisi. Al sará lapró ince la pert storich-artistica, val' picia spazirada. Por iscriziuns y informaziuns podëise chërdé sö o scrí a Holimites: T: 0471 838022. E-Mail: iadi@holimites.com.

Ora d'oraziun tl apartamënt de siur H. Videsott en mercui, 20 de ma, dales 20.00.

Invit al'Adoraziun Eucaristica de nôt "VÍ, Spirit Sant!" sö Oies dala sabeda ala domènia, dai 23 ai 24 de ma, dales 20.00 dassëra cina les 6.00 dadoman.

#### SAN MARTIN

Al vëgn dër bel rengrazié la Cassa Raiffeisen Val Badia por avëi finanzié i laurs de restaur tla cortina da San Martin dl monumënt di proi y dla pera dla fossa de siur Ojöp Dasser nasciü l'ann 1845 a Peraforada Dessura y mort tla Ciasa de Palsa a Picolin l'ann 1926, fondadú dla pröma Cassa Raiffeisen de Südtirol a Rina, en ocasiun di 100 agn da süa mort.

#### LUNGIARÜ

En mertesc, ai 26 de ma, vëgnel lavé la dljia. Al vëgn perié bel che tröpes/tröc vëgnés a daidé spo se fajunse plü saurí. Prëibel y bel dilan!

Le grup dla Ciamena dal quant a Picolin inviëia dër bel la jënt da gní a se chirí fora quant, la jöbia dales 14.00 ales 16.00. Por gauja de lerch vëgnel perié, dal 1 de jügn inant, da ne dé nia jö quant por n pez, deache ti ultimi mëisc n'él gnü condüt dër tröp. Al gnará lascé alsavëi canch'al podará indô gní dé jö quant.

Domisdé de terapia Kneipp: Le curs (por todësch) vëgn tigní le dedolönesc, ai 9 de jügn dales 14.00 ales 17.00 sön le percurs Kneipp dlungia la Ciasa de Palsa a S. Martin dala referènta Waltraud Auer (Kneipp Gesundheitstrainerin SKA (Sebastian Kneipp Akademie) organisé dal Consëi de Formaziun.



## Plata dles Ploanies San Martin y Lungiarü

ploan siur Klaus Sottsas 344 15 54 055 - klsottsas@rolmail.net  
curat don Marco Veghini - pfarrei.ploania@protonmail.com  
redaziun: anton.gasser@rolmail.net - 348 27 44 517 / 0474 523194

**17.05.26 - 24.05.26 n. 25**

*termo por comunicaziuns: jöbia, dales 20.00*

### FESTA DL'ASSËNZA - A

#### Vangele do san Matí 28,16-20

Te chël tëm্প  
é i önesc discepui jüs tla Galilea  
sön chë munt che Gejù ti à dit.  
Y canch' ai â odü Gejù,  
s'ài inslenè dan da d'ël.  
Mo n valgügn dubitâ. Dailô  
ti é Gejù jü pormez y ti à dit:  
A mé m'él dè döta la potesté tl cil y söla tera.  
Porchël jide da düc i popui  
y fajede fora de döta la jënt mi discepui;  
batiedi tl inom dl Pere y dl Fi y dl Spirit Sant,  
y insignedi da osservè döt cí ch'i ves à dè sö.  
Ciarede: Iö sun cun os, düc i dis cina ala fin dl monn.



Chës porsones che â imparé da Gejù,  
dô deslarié fora indlunch le "Rëgn de Dî".  
Chèstes porsones n'è nia perfetes, n valgönes dubitâ cinamai.  
Mo avisa cun chèstes ó Idí operé tres Gejù Crist.  
Dübi y domandes é valch dër de uman  
y chësc dess stravardé na istituziun  
da se sintí dagnora tl dërt y da ester massa rigorosa.  
Insciö ó Chël Bel Dî ince che la Dlijia sides umila y daverta.

Bel Dî, to inom é "Iö sun chiló".  
I t'adori sciöche l'aria da trá le fle. To amur me dá vita.  
Tö fistidiëies por me vigni de. Sideste laldé sëgn y t'eternité. Amen. TD.

EDEMA - A	SAN MARTIN	LUNGIARÜ	<p style="text-align: center;"><b>Festa dl'Assënza dl Signur</b></p> <p>Gejú vá ite tl Regn de Dî,  al nes vá danfora  olach'al ne sará nia plü tēma y crüzi  che nes á tles ciafes,  mo olach'al sará döt atramēnter.  Dailó metará Chēl Bel Dî a rí  chi dala ria löna,  al ti scincará ai püri ci ch'ai adora  y destodará nosta fan  y nosc dejier por tres.  L'ascensium de Gejú a cil  nes mostra le travert,  la buna fin de döt,  por ch'i se confortunse,  ligri y lēdi da döt,  bele sēgn y chiló;  por ch'i deslariunse,  te chēsta ligrēza,  le Rēgn de Dî fora te döt le monn,  y cuntunse de Gejú,  che ó salvé vignōna y vignun.</p> <p style="text-align: center;"><i>Benedēscesse, Bel Dî,  cun n spirit che chir,  cun la vōia da piē ia,  cun la daurida al mister,  de chēl che nosta fede vir. Amen.</i></p> 
<b>17.05.26</b> <b>Festa dl'Assënza - A</b> <b>Ascensium dl Signur</b> <i>De dles comunicaziuns soziales</i>	<b>9.30 Corona</b> <i>(don Marco)</i> <b>10.00 Gran Mëssa por la comunité</b> por families d'Anví 3 <sup>a</sup> de sopoltōra + Emma Costabiei + Alfred Ploner + Anna Frenes Castlunger, dl ann <b>19.30 Corona de ma sö Ju</b>	<b>7.50 Corona de ma</b> <i>(don Marco)</i> <b>8.15 Gran Mëssa por la comunité</b> de rengr. fam. Ricá Moling aniv. + Bino Clara, Brocia + Albert Daverda + Maria Dapoz Clara	
18.05.26 <i>Felix, Erich</i> <b>Lönesc</b>	<b>19.30 Corona de ma a Picolin</b>		
19.05.26 <i>Ivo, Zelestin, Cuno</i> <b>Dedolönesc</b>	<b>8.00 Mëssa</b> + Helmut Dejaco, dl ann + Sepl Trebo, Pension Tor <b>19.30 Corona de ma it'a Bioch</b>	<b>19.30 Corona de ma</b> <b>tla capela de S. Ojöp da Oies</b>	
20.05.26 <i>Bernardin, Elfride, Aurea</i> <b>Dedemesaledema</b>	<b>20.00 Corona de ma sö Frëina/Mirí</b>	<b>7.30 Mëssa</b> + Roslinda Deiacó + Nando Clara <b>dedô Corona de ma</b>	
21.05.26 <i>Hermann Josef, Estela</i> <b>Jöbia</b>	<b>19.30 Mëssa</b> + + + Maria, Giovanni y Pia Trebo		
22.05.26 <i>Rita da Cascia, Renata</i> <b>Vëndres</b>	<b>19.00 Adoraziun chîta</b> <b>19.30 Adoraziun deboriada</b>	<b>19.30 Corona de ma fora dala Grota</b>	
23.05.26 <i>Berto, Desider</i> <b>Sabeda</b>	<b>18.30 Mëssa prefestia</b> <i>(don Marco)</i> + Ida Dejaco + Opimia Morandotti + Hilda Obergasser Ties		
<b>24.05.26</b> <b>PASCA DE MA</b> <i>Santa Maria dal Aiüt</i>	<i>degōna Corona</i> <i>(don Marco)</i> <b>10.00 Mëssa solēna por la comunité</b> + + Carlo y Hannele Zingerle + Sciandro Trebo, dl ann <b>19.00 Ora d'adoraziun al Spirit Sant</b>	<b>7.50 Adoraziun (1<sup>a</sup> pert)</b> <b>8.15 Mëssa solēna por la comunité</b> por les families de Rosalia Pedevilla de rengr. fam. Osvald Verginer + Hilda Pezzei <b>dedô Adoraziun (2<sup>a</sup> pert)</b>	

